

Mémoria del ovazum stramontusa del'Anno 1772

Autor(en): **Muretzen, Christl. P.**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **3 (1888)**

PDF erstellt am: **28.05.2024**

Persistenter Link: <https://doi.org/10.5169/seals-176461>

Nutzungsbedingungen


Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Mémoria del ovazum stramentusa del'Anno 1772.



La Prümavaira, sco eir la Sted dell Ann 1772. Régnét, generalmaing il Fuon; prédominand usche üna orra tampréda, á bain Plösgiusa, et consequentamaing l'ann füt abondant, et temporiyf, tel chia als 20 Avuost, taunt il fain, eo la pompusa grannetza, füt mneda á Cuviert, siand quasi l'intèr mais Lülg passo sainza Plover.

Als 20 Avuost commanzét á Plover, et Plovét s' po dir sainza interuptium, üna Plösgietta mnüda, in grand part sco cura chi ais Tschiéras chi crouden, que continuèt uschè infin alls quatter 7mbr. mardj, chi Plovét pü fearm; Il Marcoldi dalla Damaum infin la saira Plovet daramusamaung, que chi fét telmaing augmenter las ovas in noass Commön, chia tuotta la Planüra eira allajeda; La chesa dellas Agnas paraiva sco in metz ün Leich, Lova siand óthà, alla mited dells Poasts circonvicins; da Vall-daclotter, infin suot guiedas non s'vsava üngün térrain, sco eir la Champagnia da Samédan eigra intéramaing inondéda.

Sur tuott L' ova da Chiamuera eraschit dismisürédamaing, et commanzét á mnér bgiera matière, chi provgniva dallas Ruinas laschédas gio, sco s'ho vis zieva in diffarénts lougs aint per la Vall: Máximé in pläum da Vachias, Erra d' Campatsch, dadauns et dadour il Stevel, sco eir in via Nova; Il marcoldi saira l' ova

eira telmaing furiusa, et mnaiva üna materia usché granda cun Laina et Boaschs intérs, chi il rodlamaint dallas Peidras, et otra materia mneda dál'ova, faiva üna frantur simila a quella da plüs Tamboarls, chi batten insemmel in temp da Battaglia, et résپandaiva üna odur simile a quella del Suorpher, causéda dal grand frotamaint dellas Peidras üna cunter l'otra; La violentia dal ova eira tella chia las chesas giaschauntas ardaint quella paraiva chia tremblesen; que nonobstant buma part dals Habitants haviand sigr. Covixs do uorden a alchüns da vaglier per guargia, gietten á dormir; perro allas ündasch dalla noat füten sdasdos per quels chi vaglaiven; Ils quels haviand observo chia l'ova eraschiva pü via et pü, et maglaiva suot las duas archias situedas dadains la Punt Sur-ova, giand in aint da schnéster l'üna da Dna. Ursina (qm.) Moretzen Tscherner, et l'otra da Sr. Gian (qm.) Reverdo, Gian Droasch, chi servivan in reparatiuns da lur Hüerts, et Cortins, infatscha dalla Dretta dal' ova, eira primo l'archia della vschinaunchia, chi ais rastéda tenor s'ho vis pür 2 Anns zieva, réparand intuorn l'Chöntschet della Punt Sur-Ova: Perche l'ova ho laschó inavous in Platz et Sur-Ova circa l'otteza da oach peis d' mattéria, et co très taunt quella co il Chöntschet dalla Punt dalla vhardt da Sur-Ova, intéraimaing implieu aunt. Dadauntz quella eira L'archia chia Sr. Giachem (qm.) Peider Büffet havaiva be la sted antecedainta fat rénovér et fortifichér cun tuotta attentiu, chi serviva in repar da sia bella, et Ampla chesa. Tuottas quellas archias füttan da poichia resistenza, alla grand furia dalla ova, jl prüm füt ruot, ú cedit, quella da Sr. Gian Droasch, situeda be dadains la Punt Sur-Ova, las ottras füttan eir poich zieva mnedes davent quasi intéras, et causetten grands Dans, s'haviand traversedas gio davous ils Hoarts ün po pü insü co inua ais il Fuorn Public, et bütteten l'ova our del Let; poch zieva il Molin dals Ered. Peider Martin Roth, füt implieu d'ova; et in grand part mnó davent: (det Molin eira situo vi d'vart L'ova dalla vart da Seglias, circa 30 passa da Pró pü óth, u sur la Punt-Saletscha.) Spruvet da réparér cun oter Linam inua las archias eiran davent, ma inutilmaing, la glicud eira consternèda; la suldüna della noat taunta granda, chia ils plü curagius nun ardivan das aprossmér dal Let dal ova, siand chia quella minaiva aint suot, et mnaiva davent töch á töch, jls Hüerts et Cortins; vers l'üna et metz dalla noat, gnand ün töch d'archia as farmér á travers la Punt Sur-Ova, la grand vehémenzia dal ova fet Rumper il Chöntschett dalla vart

da Platz, et co tres gnind mnéda davent la Punt s'po dir Intéra, giand tuot que Linam cunter la Punt Saletscha, dégia veglia, schi al grand dann dals Pròs, cedit il Chöntschet, situó vers Seglias, restand uschè interuotta tuotta Communication traunter Chiamuesch; et Sur-Ova.

La Plöfgia eira continovela vehementa; Ils Thums h'Oribels la splendur dellas Lüntscheurnas quasi continuela Respandaiven üna dobla térrur, vsand tres quella, flaivla glüsch, chia l'óva mnaiva davent il cortin situó suot la chesa da Sr. Giachem (qm.) Peider Rüffet, già nominéda, il quel tuott, cieo quel chi eira situó suot la chesa insin l'ova, chi saro sto la Ledenza da circa 7 passa da Pró, in poch temp fütt mnó davent, et già l'ova comanzaiva à minér aunt suot la fondamainta;

Il mür havaiva comanzó as s'fender, in l'alva dal dy det gio üna part da detta chasa, alhura il stramizi fütt grand, ogni ün vsand à cruder quella, tmaiva per se il medem priével, et comanzettan à svöder lur chesas, portand lur effets, quells no d'vart L'ora, sün ils Surövens, et our per ils Chiamueschs, et quels vi d'vart, sün ils spermunts; A continuaiva a Plover fearmamaing, et la temma havaiva telmaing piglio posses dal Pövel, chia üngün nun s'inpisaiva plü da réparér per obvier L'ova, tuotts eiran unicamaing occupós a s'vöder lur chessas, da que podaiven, siand chia in bgieras eira singio guieu ova in ils morütschs et stallas, formand sco fontaunas in ils Lougs bass, d'ova clera chi penétraiva tres il Tarrain.

S'speraiva eir cun il fer dal dy da artschaiver qualche sucuors, haviand domando quel cun sains da Stuorn, ma inutilmaing, üngün nun podet gnir in agüdt, siand nun as podaiva passér sur il Flüm Ent, l'ova d'Chiamuera, insemel cun L'Ent, havaiva nel cuors dalla noat, maglio davent l'archia chi eira in répar dalla Punt dalla vart da Truogs, et surmontaiva la Palaunchia dalla Punt, il Chöntschet dégia inflaivlieu dal répar del archia, füt bain bod mnó davent, siand l'ova havaiva maglio davous aint, auntz las oach della damaum, la Punt Partind seo per metz, fut mnéda davent; giand tuot que Linam á der cunter la Punt da Saas, ú l'archia d'metz da quella, sehi nonobstano chia buma part, da L'ovà geés our per via, schi non podet quella résister alla grand jnpette da L'ova, et partind L'archia fütt mnèda intera insina in metz quells Pros derimpetto alla Punt sur ent dalla vart da Zuoz, inua l'ova siand leda nun havét foarza dalla mnér intéra plü dalöntsch;

la Punt da Schianf be fatta nova l'ann avaunt, füt eir quella Damaum mnéda davent et usche interuot tuotta communicazium traunter Chiamuesch et il rest del comm., nun siand possibel da passér, taunt sün la Punt da Bever, co quella da Samaden, las quellas eiran seo in metz ün Leich, et que chi eira il peés per oggni vschinaunchia havaiva sia part prievel; que nonobstand divers da Zuoz, gnitten infin in la Punt, ma siand stós férmos in Madolain, per réparér intuorn l'ova d'eschia, qualche temp chi immatschaiva da rumper oura, nun fütten plü a temp da podair passér, seo chia neir alchüns da Punt, chi eigran gnieus in Succuors nun podétten Ritornér.

Il succuors dals da Zuoz füt perro zuoud nüzaivel in la Punt, siand chia cun lur assistenzchia; podetten reparer l'archia chi searva in répar dalla chasa dal Sr. Ml. Peider, qm. Gudeng Salvester, Situéda suot via in Platzet, inua dégia l'ova havaiva comanza a minér davous aint.

Plü cler chi gniva, et pü chi s'augmentaiva la Terrur, vsand chia l'ova mnaiva davent L'Aguaduotta, et chia il Mulin da Ml. Antoni qm. Gian Culaun, eira fearmamaing Battieu dall'óva, ma siand chia quel eira be, duos Ans avaunt renovó, e réffat sü cun bum et fearm Mür, s'havaiva spraunza, chia quel résistis, perro haviand l'ova mnó davent il Paseul dal Aguaduotta, et üna part del Prò da nus Ereds. del (fm.) Ml. Steivan Mathieu Moretzen, chi intuot podaiva esser la Ledenza da circa 20 passa da Prò, et l'otteza dalla materia mneda davent circa da 16 à 18 peis, schi s'chiattand dett Molin in l'propri impetto, et circondo dal'ova, füt quell vers las 2 zieva metz di mno davent, tel chia nun svetza plü üngün signél inua quel eira (det Molin eira situó suot la davous Chésa giand in aunt per la vall, l'ova per mnér quel gniva piglieda da l'ova Chiamuera nel principi dal plaum dalla Chialchera).

La grand quantited d'materia chia l'ova Continuava a mnér, faiva chi nun paraiva pü óva chi passés, dimpersé üna Ruvina cun granda Romur; circa allas *oach* della Damaum, dett gio üna otra part della già menzoneda Chésa del Rüffet, et vers las *désch* dal medem dj, crudét l'otra part, cio tuotta, tél chia nun s'veza plü üngün vestigó, inua tel ampla Chesa saia steda, erodant tuott que Material d'Müraglias chi eiran sich groassas, insenmel cun buma part dellas mobiglias et fain, nel Leet dall'óva, quel Implit, et straviet, tél chia l'ova poch zieva Rumpét gio per Platz, scha in il principi, chia quella rumpét ourra, s'havés pisó à

Réparer, et procuró della tornanter in sieu Lett, auntz co chia quel füs intéramaung implieu aunt, que chi füs sto facill, siand chia quella gaiva in pitschna quantitet gio per la vsch이나unchia, schi s'haves evitó grandas Disgrazias, chi inseuntretan poich zieva, perro la temma et confusium, nonobstand chia vers las 10 della Damaum, la Plößgia gnis plü müda, et la Naivf commanzes as palanter sün las montagnas, havaiva telmaing piglio suramaum, chia üngün nun s'impisaiva plü da procurer sia sgüretza dal bain général sand rétorner l'ova in sieu Lett, Dimperse tuotts plains spavent eiran unicamaing occupós a svöder lur Chésas; trist ma vardaivel effet della Terrur panica.

L'ova rumpet oura ün po pü óth; co inua chi ais actuelmaing la Punt, et passaiva prümeramaing part gio per via, et part traunter la chesa dalla vda. Florj Barnard Droasch, et il Hospidel, que passagio traunter l'Hospitel, et la sopramenzionéda chésa, füt bain bod ingorgio, per il Linam del Bülg, et otter chi fütt mno tiers; tel chia circa 2 horas zieva, chia l'ova rumpet gio per platz, our d'vart ün anguél, chi gaiva aint per la via d'Seiglias, et chi ho mno gréva infina in las Palüdgs, tuot l'ova gaiva gio per la vsch이나unchia, et comanzet a minér la chesa da Sr. Gian qm. Schimum Lum, la quella siand debla in poch temp fütt splaneda interamaing (detta chésa eira situèda dalla schnestra dalla via, in fatscha la chesa della ved. Anna Flori Droasch) in il medem temp füt eir splaneda, Résalf il talvó la bella chesa dals duos Frars Conradin et Corò, figls dal (qm.) Maistr. Gian Marchet Colaum, situeda be sur la giassa chi vo gio in Curtin, sco eir part della fatscheda dalla chasa, da Sr. Padruot Antonj Drussum, situeda giodim Platz, et part del Talvó della supra menzionéda della veda. Droasch; Il Fuorn füt eir quasi interamaing mnò davent, et il Linam chia l'ova mnaiva gio da Platz u dellas Chessas démolidas, batand cunter il Chiantum della Chésa da Sr. Tomaschin qm. Schimum Tass, situeda ün po pü ingio, co in fatscha il Fuorn, il rumpet aint, sco eir offendet il Chantum della Chesa da Maisr. Gian N. Salvester, chi ais la terza Chesa giand in sü per la Vsch이나unchia dala maum schnestra.

Il Bülg da Dim-vich füt eir mno davent, tuot que Linam giand gio per via in il ent, bataiva cunter il Chiantum della Chesa del Sigr. Cap. Ulderico filg (qm.) Sigr. Major Jan Batt. Albertin, jl mür dal quel havaiva circa 6 peis d'groaseza, que nonobstand ils lains chi bataiven da punto cunter, cun pü inpetto, co l'Ariett,

dal quel s'sérivan anticamaing per abater las müraglias dallas Citeds, il rumpet aunt, sulamaing pero al otteza dal fill da l'ova, tel chia s'po dir *Phisicamaing*, chia il pü grand dan saia provgnieu dal Linam dall quell L'ova havaiva piglio posses, taunt da quel chis traversaiva, et bütaiwa l'ova bod d'üna vard, bod da l'otra, co da quell chi seguind al fill dal'ova, bataiva Impetuusamaing cunter las Müraglias.

Transportand la mobiglia dalla sopra menzionéda Chésa dall Sigr. Cap. Ulrich, in la Chesa in fattsha da Sigr. Gian Marchet Lum, situeda gio dim ils Prös da Preda da Zernetz, giet ün fearm Juven nativf da *Tavó*, in l'ova chi passaiva our per via traunter las 2 Chéssas, et ais pür Ano 1773, d. 2 Lülg, sto chiatto, in la Bélma farmeda sü in la Chésa sur; unie chi saja perieu, o offais Personélmaing, in quella afflictum.

Vers la saira la Plöfgia commanzet á chialer, et las ovas deminuiten eir da qualchiosa, la tema eira pero usche granda, chia ingün nun s'fidet da gnir a Dormir in Chéssa, dimpersé tuots dormiten our in ils Prös, suott Chiamanas, u tendas fattas seo s'pudet, as pativa grand fraid nonostand il fö continovel; co non eira otter co plaunts, et Larmas, chi havessen commoanto, a Compaschium ils cours ils pü Dügrs, a vair Mamas cun lur pitschens Infaunts, Saums et amalós, tuots chi passaiven la Noat suott la Plöfgia, cun l'aprehensium da vair auchia la Damaum seguainta pü grandas Disgratzchias.

Il Venderdj Damaum s'abalchiet l'Irra dal Segner la Plöfgia gniva pü mnüda; la Naivf eira attacheda sün las montagnas, l'ova deminuiva á bain chia ella mnés hauchia bgiera materia: perro pü mnüda, et cun main frantur: que dy füt impondieu cun l'assistenzia, da noass bums vschins da Zuotz, Madolain, et Schianf, sco eir alchüns da noass convschins dalla Punt, chi pudetten passer sur la Punt sur ent da Zuotz, na perro zaunza prievel, á fer Repars cun strapéda, et chiavals in diferents Lougs, ils plü neccessi tus quasi adüna suott la Plöfgia, u naif, las ovas eiran auchia grandas, et rumpaiven oura, cura in ün lö, et cura in ün otter, tel chia divers nella aprehensium d'üna nova Ruvina eiren quasi resolts da trer davent.

La Samda 8 Setembre, cun l'assistantia Divina, sco eir dals sopra nominos chi eiran gnieus in aggüdt, sco eir alchüns da Bevér, chi eiran in Sur-Ova, s'continuet á réparer, sco eir la Domengia, chi gnit in succuors eir ils da Saméden, et otters, in

que dj, per la granda quantitet dal Pövel, s'fett bgierra lavur, commanzzand á fer piglier lett a l'ova, primó arand, cun l'areder, et zieuva giand s'gravaand: Jl Lündasdi, s'Lavuret similmaing à Sgravér, l'ova guiva pü via, et pü pitschna, que chi fet chia cun l'assistenzia dal Ségnér, et da noas bums vschins, s'gnit a seng da metter ün po l'ova in sia Lett.

Alhura il Pövel comanzett, á rantrer in lur Chéssas, cun il Lur. vöglia l'omnipotaint rétrer sia jra davent da nus, et ans conceder da viver in sgüretza in aquellas, cun Chiartett vears noaf Proassem.

La grand part dallas Chésas, schir quasi tuottas da Platz ingio haum hagieu las cuorts, stallas, et murütschs plains d'gréva, ú bealma, gréva quellas som la vschinaunchia, et Bealma quellas, gio dim, seo eir quellas no d'vart L'Ent in la Punt. Jl Hospitel chi in il momaint chia L'ova ho ruot gio per Platz, s'rechiataiva in metz L'ova, ais sto conservó, perro que nun ais da attribuir a üngüna causa surnatürela, siand chia il Bülg chi eira avaunt quel, resistid qualche temp é infrataunt L'ova Magliet gio per Platz, restand usche L'Hospidel seo in üna Jsla ingravo aint.

Curra chi füt tornanto l'ova in sieu Lett, nun s'podaiva plü transir cun chiarra per la vschinaunchia, et insin il mardj gaiva adüna óva gio per via, la quella passaiva, très la strapéda missa per remetter l'ova in sieu Lett, que nun eira co fourras fattas dal ova, zieva gio la Fondamainta dallas Chessas, et per tuot non s'vsaiya oter co moalbains, metzs ruots et Ingravòs, l'ova havaiya mno tiers Peidras usche grandas sün Platz, et insina in Dim-vich, chia duas dals pü fearms (s. h.) Bouvfs eun traglium, havaivan avuonda dallas Condür Davent.

La Communicatium traunter Chiamuesch, et la Punt, fütt restabilieda, il Mardi, per üna Punt postizchia, avaunt déggia seo dit ais noass Convschins eiran gnieus in agiüd et succuors, nonobstand chia l'ova d'alyra füs granda; perro quella nun muaiva Matèria.

La Via in Val d'Chiamuéra eira eir in buma part davent, ú ruotta gio, tél chia ils da Zuotz, sum stos oblios da fer purté our la Dschearpchia, d'Alps Lavirams, et Chiampatsch, seo eir quels da Madulain da lur Alp Prünella. Il Restand dal Commön ho eir suffert grands dans, da Prövi, mno davent, ú ingravó aunt, ais gnieu mno davent, traís bellas et bummas Punts, sur il Flüm Ent, et plü da 20 otras; La Vschinaunchia dä Surleich, ho eir hagieu bumma

part dallas Chessas Ingravedas aunt, eun prievel eir da gnir mné-das davent.

Il Commön da Brégalia ho eir soffearn bgier, sco eir quel da Puschlevf, inua eis sto mno da-vent divearsas Chesa. In la Valtelina, et Contedi da Clavenna, ais sto Ingravó, et mno davent bgier Fuonz.

In Engiadina Bassa ais eir success grandas Disgratzias, maxima in Susch, eis sto mno davent tsching Chesa, et bumma part del Sunteri; eir in Zernetz ais sto mno Davent tuottas las Punts, et inggravó bgier Prövi.

Il Commön dalla Vall Müstail, ho eir suffeart bgier, da Fuonz ú, inggravó ú mno Davent, il pü a Tschiers, inua ais sto miss suot La bumma part del prövi, et inggravó aint diversas Chesa.

In il Tiról haum las Ovas eir Causó grands Dams, maximé a Halla, fütt ruott il rasté, et mno davent bumma part del Linam, et Bgierra marchianzia.

Quaist Ovazum, pérra saia stó sumgaint á quel dell Aº 1566. incunstro als 26. e 27. augusti, tres il quel tenor memorias Chiattedas pür zieuva, ais eir sto mno Davent in noassa Vschinaunchia quater Chessas, dallas quellas duos, s' supuona eiran dadauntz la Punt Sur-Ova, a Schnester giand in aunt: et que Siand s'ho vis ün töch vouet, et qualche fondamaunta, scoverta del ultim Ovazum, fütt eir alhura mno davent il Fuorn, situó suot la Punt Sur Ova, sco eir duos Chesa, situedas aunt a som La Vschinaunchia, et inggravó ú mno davent bumma part dals Hüerts, et Cortins situos zieva L'ova; sco eir implieu d'materia bumma part dallas Chesa, il pü in Sur-Ova; sco pü alla Lungia s'ho Chiatto scritt in Tscherts vers, tiers Junker Hans Heinri-Perini, in ils quels sum descrits ils dans Causós d'al Ova Aº 1566. Schi diané quels eir da noassa Vschinaunchia.

Et Chiamuesch que bell Vschedi.

Ho eir haggieu sa part Contredi.

Il che ais eir confirmo, per l'Historia Rhetica dal Campel chi disch chia da vaung Punts solum traies saien rastedas in Engiadina, sco eir perque chi ais dit in il arbitramaint traunter la Vschinaunchia da Madolain, et il rest dal Comön, Reguard la Punt da Sáss: et ottras imperfettas memorias chiattedas pür zieva; perche la memoria, u tema da quella eira pearsa.

Nonobstand, chia in noass velgs aschantamaints, saia in plüs Lougs inculchió da réfer las Archias, et trer l'ova drett, maximé

la Refuorma del Anno 1680, disch clér, chia in résguard ils grands Danns, et prievels chi immatscha l'ova d'Chiamuera, vain miss Avuós, u Suprastands da quella, Ill Sigr. Gian Bat. Albertin, et Sigr. Marchet Lum, illus quells dessen fer Nattagier il Lett dall Ova, et cun Archias, ú Chiöntsrets chi odan allo tiers réparer, cun quaist précis inclét chia saunza résguard da üngün, l'ova daia gnir mneda dretta, pajand our per Cosalg da Apredschaduors, Inua s' füs oblió da piglier qualchiosa d' fuonz, per trér L' ova Dretta, overo il Lett da l' ova dreft, sco eir chia tuots Proprietaris chi sum oblios da mantégnar archias, in répar da lur Hüerts, prövi ú Chesar, saian oblios da trer quellas Drettas, p. Cusalg da Sud. Sigrs. Avuós, ú Suprastands, il che in que temp fütt eir Effettuo;

Ma L'an 1750 haviand deggia plovieu trais dis, et 3 noats Consecutivó, et fearmamaing chia la saira dalls 8 Lülg, l'Ova chi eira zuond granda, minet suot aint, et mnet davent ün Töch da duos Cuors inters d'Archia suot la Chesa da Sigr. Mll. Peider qm. Jachem Rüffet, et in il Cuors della Noatt, nonobstand chia s' procorés da rémediér cun strapeda, mnet davent bummapart del Cortin, et archia chi eira in répar da quell, sco eir L'hüert dalla Chesa da Jan Saraina, insemel cun l'archia chi eira eir in repar da quel, dalla vardt da Platz fütt Primo Ingravó buma part dells Cortins da Matieu Stephen, Muretzen, situos in la Vall minó davous aunt, et mno davent tuottas las archias chi eiran dadauns la Punt Sur-ova, insemel cun ils Hoarts, et Curtins infina cunter la Chesa dal Sigr. Mll. Gian Droasch, chi ais som Platz, á schmester della Via, et scha nun füss sto bum agüdt, schi eir quella gieda, L' ova haves ruogio per Platz, cun grand dann et prievel; perro illus Chöntsrets dalla Punt Sur-ova, résistitan, co tres l' ova podet dallo ingio gnir conservéda in sieu Let, et nun causét Notabels dans, infin in saletscha, inua quellas slargiand Laschet inavous grand quantited d' Materia, chi Cuvrit bumma part da que bum et commad Pascul.

Noass gouvern fett Dalumgia réfer las Archias, chi pertuochai-ven al Publico da fer, sco eir ils Particolers reffetten las Lur; perro, l'ün et l'otter nun dettan a quellas per üna Ecconomia mel incletta, tuotta la soliditat possibla, neir trettan quellas affat drettas, et seo chi eiran poich foppas schi l' ova ho podieu maglier aunt suot; abain chia tuotta probabilitet ais, chia eir scha quellas havesen hagieu tuotta La soliditat possibla da der ad' una archia, schi difficilmaing havesen résistieu a ün Ovaziun, o pü bod Ruvina;

sco eis sto quell, cun il quell noassa Vschinaunchia ais steda afflita
Anno 1772.

Voalva o Dieu, simills et otters Chiastichs davent da Nus!
Et fo chia in sgüretza, et Libarted, habitens noassa chera Patria,
pennéstrós d'amur vers té, et charitet vers noass Proassem, giodans
cun lod, et Ingratzchiamautt tuotts ils dums chia tia inffinita bonted
ens ho Concess.

In Algordentscha alla Posteritet, descrit tres il pm. Sigr. Mll.
Mathias steiven Muretzen Junior.

Et ora Copchio da me:
Christl. P. Muretzen.

